

Ўзмджтә кӧдлмштә бригадир

Алтайск крайин Рубцовск района „Путь к коммунизму“ гидг колхозд урчудин бригадир болдж Муугъа Чимә кӧдлдж бәәнә.

Чимән бригад, эн джил колхозд хойр зун ўкр ордг ўвлин хаша бәрх болдж даалгъвр авсн болдг. Иим олн бӧдүн бод мал орх хаша бәрхин кергт кесг цаг кергтә болдж бәәнә. Тер кӱндтә даалгъвриг Чимә гол-зүркән тәвдж, олн ўүрмүдтәгъән, альк чигн дуту-дундас әл уга кӧдләд, утдан 100 метр, ӧргн-

дән 15 метр хашаг темдглсн болзгаснь ик урд чиләв. Иим, олнд ўзмджтә кевәр кӧдлдг-тнь колхозин правлень чигн, олн колхозникуд чигн Чимәд ик ханлтан ӧргдж кӱндлцхәнә.

Ода Чимә эврәннь бригад-тагъан тосхлтин тускар партъ болн правительств гаргъсн шиидвриг хоорндан кӱүнддж, улм сәәнәр кӧдлхмн гидж ӧмнән ик даалгъвр авцхав.

Мана тосхачнр ўгдән кӱр-хнь лавта.

БАЛДРА Санъгъдж-Гәрә.